

UHUSIANO THABITI WA DUNIANI NA AKHERA

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

.UHUSIANO THABITI WA DUNIANI NA AKHERA

.?Kuna uhusiano gani baina ya ulimwengu wa dunia na ulimwengu wa Kiama *

Kuna uhusiano gani baina ya matendo na amali anazozifanya mwanaadamu duniani na*
?malipo atayolipwa siku ya Kiama

.Uhusiano thabiti wa mwanaadamu Duniani na Akhera .2

Kuna uhusiano madhubuti wa maisha ya duniani na Akhera, na kuna tofauti baina ya kustahamili mashaka ya duniani na kustahamili adhabu za Akhera. Kwa hakika mtu ambaye atamsahau Mola wake ijapokuwa atakuwa katika hali ya juu na nzuri ya maisha, lakini akawa anataka awe na mali zaidi na zaidi, na akawa na hofu ya kupoteza mali yake, kwa hakika mtu huyo hatakuwa na utulivu katika maisha yake. Na kwa sababu mtu huyo amejitia punguani na kusahau Aya za Mola wake, basi atakuwa ni kipofu batini mwake ijapokuwa ni mwenye kuona dhahirini mwake, na siku ya Kiama - ambayo ni siku ya kudhihirika yale yaliyo batini katika nafsi zetu- atafufuliwa mtu huyo hali akiwa ni kipofu. Na katika hali hiyo basi atazidi -:(kughumiwa, na hofu yake itazidi mara nyingi zaidi, Kama anavyosema Allah (s.w

وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكاً وَنَحْشُرُهُ يَوْمَ الْقِيَامَةِ أَعْمَى[1]

Na atakaye jiepusha na mawaidha yangu, basi kwa yakini atapata maisha yenye dhiki, na Siku
.ya Kiyama tutamfufua hali ya kuwa kipofu

Kwa kila mtu atakayepotoka na kufumba macho ili asione au asikubali haki na uhakika wa mambo, basi siku ya Kiama atafufuliwa mtu huyo hali akiwa ni kipofu,kama tunavyosoma ndani
-:ya Qur-ani Takatifu

وَمَنْ كَانَ فِي هَذِهِ أَعْمَى فَهُوَ فِي الْآخِرَةِ أَعْمَى وَأَضَلُّ سَبِيلًا[2]

.Na aliye kuwa hapa kipofu, basi atakuwa kipofu Akhera, na atakuwa aliye ipotea zaidi Njia

.3. Uhusiano wa adhabu katika dunia na Akhera

Ni kipindi kirefu sasa elimu ya Historia inathibitisha kuwa Mwenyeezi Mungu atawaadhibu kwa adhabu kali wale madhalimu waliojiona bora waliokuwa na kibri, na wakadai kuwa wao ni Mungu, basi Mwenyeezi Mungu amewaahidi watu hao adhabu kali duniani na Akhera. Kama
-:anavyosema Allah (s.w) kumwambia Firauna

فَاَخَذَهُ اللَّهُ نَكَالَ الْآخِرَةِ وَالْأُولَى [3]

.Basi hapo Mwenyeezi Mungu akamshika kumuadhibu kwa la mwisho na la mwanzo

Na vile vile kwa wale ambao wamekabiliana na kuyapinga mafunzo ya Mitume kwa ulajuji na wakawakadhibisha Mitume hao, basi Mwenyeezi Mungu atawaadhibu na kuwadhalilisha kwa kuwaletea balaa katika maisha yao, na siku ya Kiama amewaandalia adhabu kali iumizayo,
-:kama tunavyosoma ndani ya Qur-ani

فَاَذَاقَهُمُ اللَّهُ الْخِزْيَ فِي الْحَيَاةِ الدُّنْيَا وَلَعَذَابُ الْآخِرَةِ أَكْبَرُ لَوْ كَانُوا يَعْلَمُونَ [4]

Basi Mwenyeezi Mungu akawaonjesha hizaya (fedheha) katika maisha ya dunia, na adhabu ya
.!Akhera ni kubwa zaidi, laity wangelijua

[1] Surat Taha, Aya ya 124

[2] Surat bani Israiyl Aya ya 72

[3] Suratu- Annaziaati aya ya 25

[4] Surat Az-Zumar Aya ya 26

MWISHO